



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Fabrica Ecclesiae.

urn:nbn:de:hbz:466:1-10421

cap. 21. numero 52. cap. 27. num. 102. quia id eis concessit Leo X. & Nic. V. Nav. loc. cit. licet Clem. 1. de privileg. id vetuerat.

Ad septimum. Præceptum de communicando in Paschate currit à die Palmatum, usque ad octavam Paschæ inclusivè, Navar. cap. 21. num. 45 Sylvest. in ver. Eucharistia, 3. num. 17. §. 15. ver secundum, Flor. Theol. 4. sent. de suscept. Euchar. fol. 67. Caiet. in sum. in ver. Communio. §. 3. adeo quòd, qui communicaret intra hoc tempus, satisfaceret præcepto cap. omnis utriusque sexus, de pœn. & remiss. nec incurteret pœnas, quæ passim imponuntur à prælatis contra non communicantes in Pascha.

Ad octavam. Ultra pœnas in cap. si per negligentiam, de Consecrat. d. 2. & in cap. 1. de custodia Eucharistia, si minus cautè dimiserit, & nihil nefarium inde contigerit, tribus mensibus potest suspendi; si verò aliquid admiserit nefarium, gravius arbitrio judicis potest puniri, Ad. dit. ad Cap. Tolos. g. 218.

FABRICA ECCLESIAE.

Primò, fabricæ Ecclesiæ appellati-
onæ veniunt ornamenta necessaria cultui divino, & sic relictum pro fabrica, censetur relictum pro omnibus necessariis ministerio Ecclesiæ, Covar. in cap. ultimo n. 4. de testam. & ibi Abbas.

Secundò, ratio sumptuum fabricæ Ecclesiæ est reddenda Episcopis ordinariis, nisi aliter in institutione ipsius statutum sit, Concil. Trident. sess. 22. cap. 9. de refor. & sac. Congreg. in mess. 78.

Tertio, fabrica divi Petri de Vrbe,

vide inferius, in ver. legatum, §. 9. & Bul. Paul. III. 68. & quid solvendum sit pro scripturis responderetur id quod solet solvere fiscus reverendæ Curia Apostolicæ: & ejus Commissarii possunt cogere, quoscunque Notarios ad aperendum, & ostendendum testamenta post annum à die obitus testatoris, Pius IV. Bul. 58.

Quartò, deputati fabricæ Petri de Vrbe, habent facultatem exigendi legata facta pro sancta Maria de Laureto, si ministri dictæ Ecclesiæ in illis exigendis negligentes fuerint, Pius V. Bul. 54. quæ incipit, *At Romani*.

Quintò, fabrica prædicta habet facultatem revidendi, & rescindendi alienationes bonorum Ecclesiasticorum, factas sine sedis Apostolicæ licentia, aut sine solennitatibus, sive in damnum Ecclesiarum; Pius V. Bul. 98.

Sextò, fabrica Ecclesiæ tunc spectat ad Episcopum, quando pars fructuum & introituum est pinguis, & quando possit Episcopus una cum suo Capitulo statuere, quòd certa pars fructuum beneficiorum vacantium in sua diœcesi applicetur fabricæ Ecclesiæ cathedralis: vide & distingue cum Gemin. in cap. si propter, versic. quæro an Episcopus, de re scripti. lib. 6. distinguit satis bene pro Practica quotidiana, & hoc non esset autoritate in facto suo proprio, quia non applicatur mensæ suæ, per Clem. si una, de reb. Eccl. non alien. facit, c. Romana, de pœn. & remiss. lib. 6. ubi propter tenuitatem fructum Ecclesiæ, dantur indulgentiæ pro fabrica Ecclesiæ.